



DOGOVOR

Željeznice FBiH, RS, Srbije i Hrvatske: Pojeftiniti prijevoz robe

Autor/izvor: SEEbiz
Datum objave: 19.03.2014. - 10:41:00
Zadnja izmjena: 19.03.2014. - 14:13:49

SARAJEVO - Željezničke uprave u regionu izuzetno su zainteresovane da naprave direktne komercijalne ugovore najprije u robnom, a zatim i u putničkom saobraćaju, kako bi željeznički transport postao najpovoljniji i najefikasniji vid saobraćaja u ovom dijelu Evrope.

Da bi se to ostvarilo, željezničke uprave preduzet će sve potrebne aktivnosti kako bi se vrijeme zadržavanja vozova na granicama, posebno u teretnom saobraćaju, znatno skratilo u odnosu na sadašnjih tri sata na svakom graničnom prijelazu - zaključile su na sastanku u utorak u Sarajevu delegacije Željeznica Federacije Bosne i Hercegovine i Republike Srpske.

Predsjednik Uprave - generalni direktor Željeznica FBiH Nijaz Puzić kazao je na pres-konferenciji da je razgovarano o komercijalno-tehničkoj saradnji i nastupu na zajedničkom tržištu pružanja usluga prijevoza, pokušaju da se uspostavi zajednička tarifa, odnosno zajednički proizvod gdje bi cijena bila faktor da bude više robe i prijevoza željeznicama. Kako je kazao Puzić, razgovarano je i o međusobnim potraživanjima između željezničkih uprava i taj dio će biti potpisan, a bilo je riječi i u vezi s idejom uspostavljanja putničkog saobraćaja između Beograda i Sarajeva. Ta ideja, kako je rečeno, bit će realizirana ukoliko se steknu tehnički uvjeti, odnosno ako Željeznice Srbije osiguraju motorne vozove koji bi išli na toj relaciji.

Federalni ministar prometa i komunikacija Enver Bijedić kazao je da se radi o prijedlogu sporazuma protokola koji bi trebalo da potpišu četiri željezničke kompanije na način da se reguliše prijevoz robe i putnika na njihovim teritorijama, s tim da to dođe do izjednačavanja cijena različitih operatera, jer su pojedine kompanije nerealno do četiri puta imale veću cijenu usluga.

"Ovim sporazumom želimo da dođe i do oživljavanja poslovanja Luka Ploče, koja takođe učestvuje u sporazumu kao jedan od potencijalnih izvora robe, odakle bi se sva roba željeznicom transportovala prema BiH, Srbiji, Hrvatskoj pa i prema centralnoj Evropi", rekao je Bijedić.

- Pored toga, na sastanku je bilo je riječi i o mogućnostima za povećanje robnog saobraćaja na pravcu Ruma-Šabac-Zvornik i dalje ka Federaciji BiH i Republici Srpskoj, nakon što popravimo 13 kilometara pruge kod Lešnice i povećamo njeno osovinsko opterećenje na 22 tone. Takođe, razgovarali smo i o obnavljanju putničkog željezničkog saobraćaja od Beograda do Sarajeva, odnosno Banja Luke i Doboja, ali i o unapređenju zajedničke ponude kada je riječ o muzejsko-turističkim vozovima u ovom regionu, s obzirom na

Evidencijski broj / Article ID: 14549646
Vrsta novine / Frequency: Dnevna
Zemlja porijekla / Country of origin: Hrvatska
Rubrika / Section:



izuzetno interesovanje putnika kada je o posebnim prevozima riječ, izjavio je generalni direktor „Železnica Srbije“ Dragoljub Simonović

Na dvodnevним sastancima u Sarajevu učestvuje i delegacija hrvatskih železnica za teretni saobraćaj HŽ Cargo, a svi učesnici skupa u Sarajevu danas će posjetiti Luku Ploče, sa ciljem povećanja teretnog željezničkog saobraćaja iz ove luke.